



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil «26» yanvar

08-12-son

Тошкент давлат юридик университетининг коррупцияга қарши сиёсатини амалга ошириш ва мувофиқлаштириш учун “Ҳалоллик офицери” лавозимини жорий этиш тўғрисида

Ўзбекистон Республикаси Президентининг 2020 йил 19 майдаги ПФ–5997-сон Фармони билан тасдиқланган 2020–2024 йилларда адлия органлари ва муассасаларини ривожлантириш концепцияси ҳамда Ўзбекистон Республикаси адлия вазирининг 2021 йил 14 январдаги 18-ум-сон буйруғи ижросини таъминлаш мақсадида

Б У Ю Р А М А Н:

1. Ўзбекистон Республикаси адлия вазирининг 2021 йил 14 январдаги “Адлия вазирлигининг коррупцияга қарши сиёсатини амалга ошириш ва мувофиқлаштириш учун “Ҳалоллик офицери” лавозимини жорий этиш тўғрисида”ги 18-ум-сон буйруғи (кейинги ўринларда – буйруқ) маълумот ва ижро учун қабул қилинсин.

2. Коррупцияга қарши комплаенс тизимини самарали жорий этиш бўйича чора-тадбирларни, шу жумладан, Тошкент давлат юридик университетининг (кейинги ўринларда – университет) коррупцияга қарши сиёсатини амалга ошириш ва мувофиқлаштириш учун қуйидаги вазифаларни амалга оширувчи “Ҳалоллик офицери” лавозими жорий этилсин:

университет жамоаси орасида ҳалоллик, одиллик ва коррупцияга қарши муросасизлик муҳитини шакллантириш бўйича чора-тадбирларни амалга оширишда иштирок этиш;

университет ходимларининг фаолиятидаги коррупциявий хавф-хатарларни минималлаштириш бўйича таклиф ва тавсиялар ишлаб чиқиш;

университет ходимларининг манфаатларини ҳимоя қилиш ва уларнинг турли тазйиққа учраш ҳолатларини олдини олиш бўйича тавсиялар бериш;

ўз хизмат вазифасини ҳалол ва виждонан бажараётган, коррупция ҳолатларига тоқатсиз ҳамда коррупцияга оид ҳуқуқбузарликлар ҳақида хабар берган ёки коррупцияга қарши курашишга бошқа тарзда кўмаклашган ходимларни рағбатлантириш бўйича раҳбариятга таклиф киритиш.

3. Мазкур буйруқнинг 2-бандида белгиланган вазифаларни бажариш Маънавият ва маърифат маркази директори **Пўлотов Шерзод Шухратович** зиммасига жамоатчилик асосида юклансин ҳамда у Тошкент давлат юридик университетининг “Ҳалоллик офицери” этиб тайинлансин.

4. Девонхона (Х.Абдуллаев) мазкур буйруқни барча таркибий бўлинмалар эътиборига етказсин.

5. Ушбу буйруқнинг бажарилишини назорат қилишни ўз зиммамда қолдираман.

Ректор



Р.Ҳакимов